

EDISI KEMERDEKAAN

MindLoops

KENALI WARNA
BENDERERA MALAYSIA

APA KHABAR
SAHABAT PENAKU?

MARI BELAJAR
BUAT KUIH BULAN

MARI
BERPANTUN!



Isi Kandungan

Pelbagai info, komik dan aktiviti menarik sempena Hari Kemerdekaan Malaysia yang ke-64!



Informasi

I

Fun Fact Merdeka

2

Pejuang Kemerdekaan:
Tunku Abdul Rahman

3

Siri Teladan ;
Suriani Abdullah

6

Pantun Merdeka

7-8

Arabic Conversation

12

*Letter to My
Penpal*

H

Lagu Patriotik

15-16

Food vs Flag

Komik

II

Sejarah
Kemerdekaan

Kuiz

4

Senarai pemenang
Infohunt edisi
kemerdekaan

Aktiviti

3

Mari
mewarna
bendera

5

*Paper doll
chain*

6

Isi tempat
kosong
(Bahasa Arab)

9-10

Pictorial:
Mari belajar
membuat Bunga
Raya

13

Resipi Kuih
Bulan

“Kata-kata Editor”

Editor:

Prof Madya Dr Adibah binti Abdul Latif

Penulis:

Aina Nadhirah Ab Hisham
Nurul Ain binti Yaakop
Nur Aisyah Sakinah binti Noor Ahmad
Abdul Azim Afkar Bin Che Yahya

Juruanimasi:

Farhah Syamimi binti Suhimi

Pereka Grafik:

Farhah Syamimi binti Suhimi
Nurul Radziah binti Osman
Nur'atiqah binti Arshad
Nur Sabrina Binti Johar

Assalamualaikum w.b.t dan salam sejahtera buat semua.

Dengan kalam Allah, bismillahirrahmanirrahim, selawat dan salam buat junjungan besar Nabi Muhammad S.A.W.

Tahun 2021 ini, sekali lagi Malaysia menyambut kemerdekaan dengan mengharungi cabaran dan dugaan wabak Covid-19 yang melanda negara. Sekali lagi juga, tema hari kemerdekaan dikekalkan iaitu “Malaysia Prihatin” bagi sambutan kali ke-64 ini. Banyak nyawa yang telah terkorban dan banyak juga yang berjaya pulih setelah bertarung dengan wabak ini. Apapun takdir yang telah ditetapkan, kita sebagai hamba Allah yang meyakini rukun iman keenam ini, perlu terus bersyukur dengan jutaan nikmat yang diberikan Allah walau terdapat dugaan dan ujian di celahan jutaan nikmat tersebut.

MindLoop edisi kedua ini menyentuh tema kemerdekaan setelah edisi pertama bertemakan perayaan Idul Fitri. Kemerdekaan itu memberi makna yang lebih dari sekadar membebaskan negara daripada jajahan kuasa lain. Sebagai murid, kebebasan itu apabila murid boleh memerdekaan diri daripada kemalasan untuk berjuang menuntut seberapa banyak ilmu dan pengetahuan. Sebagai guru pula, kemerdekaan juga bermaksud apabila guru keluar daripada zon selesa untuk mempertingkat kemahiran dari semasa ke semasa. Siapapun kita, merdeka itu bagaikan hijrah, apabila kita boleh menjadikan diri kita lebih baik berbanding sebelum ini.

Tak kenal, maka tak cinta. Mempelajari sejarah bukan sahaja dapat meningkatkan semangat patriotisme malah dapat meningkatkan jati diri. Edisi MindLoop kali ini mengajak pembaca untuk menerusi sejarah kemerdekaan Malaysia bagi menghargai pengorbanan dan sumbangan tokoh-tokoh yang berusaha membebaskan negara daripada jajahan kuasa luar. Diharap bahan bacaan yang disediakan dapat memberi pengetahuan asas kepada murid-murid, manakala guru dan ibu bapa dapat membantu murid-murid untuk menghayati kesan dan kepentingan kemerdekaan.

Saya sekali lagi ingin merakamkan terima kasih kepada semua Team MindLoop di atas usaha menyempurnakan e-majalah ini buat kali kedua. Semoga usaha untuk terus mendidik dan menginsan sentiasa subur dalam diri. Kepada semua pembaca MindLoop, terima kasih kerana sentiasa setia dengan kami. Kami akan sentiasa berusaha untuk menyediakan bahan pembacaan yang dapat memberi bukan sahaja hiburan, malahan manfaat buat semua.

Akhir kata, marilah sama-sama kita menjadi rakyat yang mempunyai jati diri dan bertamadun, serta bergabung untuk memerangi wabak COVID-19. Sentiasa patuh kepada SOP dan bijak menjaga kesihatan dan keselamatan diri. Sentiasa berdoa agar Allah melindungi Malaysia daripada segala wabak dan sentiasa memberikan keamanan dan keharmonian negara. Insyaallah kita jumpa lagi pada edisi yang akan datang dengan pelbagai bahan dan tema yang menarik. Selamat meneruskan pembelajaran dari rumah (PdPR) semua murid, dan semoga guru dan ibu bapa juga kekal dengan momentum yang positif.

Prof Madya Dr Adibah binti Abdul Latif
Editor e-Majalah **MindLoops**

FunFact #MERDEKA

Tahukah Anda?
Jalur Gemilang direka
oleh seorang arkitek?



Permulaan asal Jalur Gemilang bermula apabila pada tahun 1949, dengan persetujuan Majlis Raja-Raja sebuah jawatankuasa telah ditubuhkan untuk menimbang dan membuat perakuan berhubung dengan reka bentuk bendera bagi Persekutuan Tanah Melayu yang baru.

Untuk tujuan itu, satu pertandingan bagi mereka bentuk bendera Persekutuan Tanah Melayu yang baru pada tahun 1949. Pertandingan peringkat kebangsaan ini dianjurkan oleh Majlis Perundangan Persekutuan dan disertai oleh 373 karyawan. Daripada sejumlah itu, tiga reka bentuk bendera baru bagi Persekutuan Tanah Melayu telah dipilih untuk ke peringkat akhir.

Reka bentuk pertama ialah lambang keris bersilang di tengah-tengah dengan dikelilingi oleh 11 bintang pecah lima. Reka bentuk kedua hampir serupa dengan reka bentuk pertama tetapi 11 bintang pecah lima itu disusun dalam dua bulatan mengelilingi keris bersilang itu. Reka bentuk ketiga ialah 11 jalur merah dan putih dengan bulan dan bintang berwarna kuning di bahagian tepi kiri.



Majlis Perundangan Persekutuan telah memberi peluang kepada orang ramai untuk memberikan pendapat kepada ketiga-tiga reka bentuk tersebut. Keputusan pendapat umum yang dikelolakan oleh akhbar The Malay Mail itu telah disiarkan pada 29 November 1949. Keputusan akhir menunjukkan majoriti telah memilih reka bentuk ciptaan seorang arkitek kerajaan di Johor iaitu En. Mohamed bin Hamzah.



Biodata Tokoh:

Nama :

**Almarhum Tunku Abdul Rahman Putra al-Haj
ibni Almarhum Sultan Abdul Hamid Shah**

Tarikh Lahir :

8 Februari 1903

Tarikh Meninggal Dunia :

6 Disember 1990

Gelaran :

Bapa Kemerdekaan Malaysia

Beliau menerajui tampok kepimpinan UMNO selepas Tun Hussein Onn, dan berjaya memenangi 52 dari 53 kerusi undian yang menggabungkan UMNO, MCA dan MIC di bawah Parti Perikatan. Slogan 'Merdeka' telah menyatupadukan berbilang kaum di Malaysia. Matlamat yang diburu semakin dicapai apabila Tunku Abdul Rahman terlibat sama dalam Pembentukan Malaysia pada tahun 1963, di mana ia merupakan salah satu daripada pencapaian yang teragung. Biasanya dikenali sebagai "Tunku", beliau juga dikenang sebagai "Bapa Kemerdekaan" dan "Bapa Malaysia".

Setelah mencapai kemerdekaan, beliau berjaya menarik penyertaan pelbagai kaum dalam kabinet Kerajaan Persekutuan termasuklah tokoh politik tanah air iaitu Tun Abdul Razak sebagai Timbalan Perdana Menteri, Tun Dr. Ismail sebagai Menteri Hal Ehwal Dalam Negeri dan Tan Siew Sien sebagai Menteri Kewangan.

Tunku meletakkan jawatannya sebagai Perdana Menteri pada tarikh 22 September 1970 dan sebagai Presiden UMNO dan diumumkan secara rasmi pada 24 Januari 1971 dalam Perhimpunan Agung UMNO. Selepas bersara sebagai Perdana Menteri, beliau dilantik sebagai Setiausaha Agung Sekretariat Negara-Negara Islam dan berjaya menarik lebih 41 buah negara Islam untuk menyertai pertubuhan tersebut.

SIRI TELADAN #MERDEKA

Suriani Abdullah : Pejuang Kemerdekaan yang Pernah Ditikam oleh Askar Jepun



Nama sebenar Suriani Abdullah ialah Eng Ming Cheng.

Beliau merupakan rakan baik kepada Pengasas Komunis Malaya (PKM) iaitu Chin Peng dan berasal dari Setiawan, Perak.

Perjuangan beliau tertumpu kepada kebajikan golongan buruh dan wanita.


Beliau diberi gelaran "Serikandi Anti-Jepun" kerana keberaniannya menentang Jepun pada tahun 1942-1945 dan kerajaan British pada tahun 1948-1957.

Kerana keberaniannya ini, beliau pernah ditangkap dan diseksa oleh tentera Jepun semasa beliau berusia 21 tahun.

Suriani juga dianggap sebagai ibu oleh rakyat Malaysia ketika itu kerana tidak pernah penat untuk mendengar masalah dan keluhan golongan buruh dan wanita sambil terus giat memperjuangkan hak-hak mereka.

Setelah bertahun-tahun memperjuangkan kemerdekaan, akhirnya Suriani Abdullah meninggal dunia pada 21 Mac 2013 di Thailand.

Mari Mewarna Bendera Malaysia!



SENARAI PEMENANG INFOHUNT

EDISI KEMERDEKAAN

KATEGORI SEKOLAH RENDAH

1

SRI PUNCAK JALIL

NUR LAILA SOFIA
BINTI
ABDUL MUNIR

2

SRI PUNCAK JALIL

DHIA IMANI
BINTI
MOHD FADZIL

3

SRI PUNCAK JALIL

NUR AIRIS QAIREENA
BINTI
MOHD HASBULLAH

KATEGORI SEKOLAH MENENGAH

1

SMI HIDAYAH

MAISARAH
BINTI
SYAHRIL

2

SMI HIDAYAH

MUTMAINAH MARDIYAH
BINTI
ROHAIZAK

3

SMI HIDAYAH

NURFARAH
JULAIHAN

TAHNIAH!

HADIAH MENARIK MENANTI ANDA!

SILA HUBUNG 07 550 0077 ATAU 018 359 4249 UNTUK MENEBUS HADIAH ANDA.

'PAPERDOLL CHAIN'

BENGKEL KRAF

Material yang diperlukan:
Kertas A4 berwarna, pensil
dan gunting.

Arahan:

1. Lipat kertas A4 kepada 2 bahagian secara memanjang
2. Lipat kepada 2 bahagian lagi
3. Lukiskan gambar 'doll' seperti contoh di bawah.
4. Guntingkan mengikut bentuk 'doll' yang telah dilukis.



Arahan:

4. Buka lipatan 'doll' yang telah siap digunting
5. Siap!



Pantun Kemerdekaan

Mari kita hayati makna kemerdekaan ini dengan membacakan pantun kemerdekaan.

Di halaman rumah memasang pelita,
Bendera dikibar tanda setia,
Hidup aman tiada sengketa,
Kemerdekaan dicapai penuh bahagia.

Perjuangan diteruskan meski lanjut usia,
Pangkat dikurnia tanda berjasa,
14 negeri terdapat di Malaysia,
Negara berdaulat sentiasa sentosa.

Pandu cermat jiwa selamat,
Patuh peraturan elak disaman,
31 Ogos tarikh keramat,
Dalam ingatan sepanjang zaman.

Angin bertiup sedingin salju,
Air diminum ngilunya di gigi,
Jika semangat juang tiada di kalbu,
Pasti sejarah hitam berulang lagi.

Rama-rama indah dari sang ulat,
Mengejar merpati terkapai-kapai,
Tujuan dan hasrat menjunjung daulat,
Kemenangan dirai kemerdekaan digapai.

Salam diberi tanda hormat,
Lagu patriotik dinyanyikan semangat,
Tanggal 31 Ogos tarikh keramat,
Setelah berkorban penuh keringat.



Aktiviti 3

Padankan perkataan Bahasa Melayu dengan perkataan Bahasa Arab yang betul.

Bangsa-Bangsa

Keharmonian

Hari Merdeka

Penjajahan

Kerjasama

عِيْدُ الْإِسْتِقْلَال

عَلَم

تَعَاوُن

أَغْرَاق

نَشِيدٌ وَطَبِّي

حَرْب

وِئَام

تَقْدُم

مُعاَهَدَة

إِسْتِعْمَار

Peperangan

Lagu Kebangsaan

Perjanjian

Kemajuan

Bendera

'Arabic Conversation'



السَّلَامُ عَلَيْكُمْ وَرَحْمَةُ اللَّهِ وَبَرَكَاتُهُ، يَا حَنِيفَةَ

Assalamualaikum WBT Hanifah.



وَعَلَيْكُمُ السَّلَامُ وَرَحْمَةُ اللَّهِ وَبَرَكَاتُهُ، كَيْفَ حَالُكَ يَا صَدِيقِي الْغَزِيزِ؟

Waalaikumussalam WBT. Apa khabar sahabatku yang mulia?



الْحَمْدُ لِلَّهِ بِخَيْرٍ. وَأَنْتَ؟

Alhamdulillah, baik. Awak pula?



الْحَمْدُ لِلَّهِ بِخَيْرٍ. إِحْمَدِ اللَّهَ إِلَيْكُمْ

Alhamdulillah baik. Semoga Allah memujimu.



هَلْ تَعْلَمُ أَيُّ مُنَاسَبَةٍ سَتُمْرُ بِنَا غَدَاءً؟

Adakah awak tahu peristiwa apa yang akan berlangsung esok?



لَا حَوْلَ وَلَا قُوَّةَ إِلَّا بِاللَّهِ. مَا الَّذِي أَشْغُلُكَ؟ أَلَا تَعْلَمُ أَنَّ غَدَاءَ هُوَ يَوْمُ الْإِسْتِقْلَالِ؟

(Tiada daya dan kuasa melainkan dengan Allah). Apa yang menyibukkan awak. Tidakkah awak tahu bahawa esok ialah Hari Merdeka?



إِنَّهُ يَوْمٌ كَادَ النَّاسُ أَنْ يَنْسُوْهُ وَلَا يَكْثُرُونَ لَهُ، فَلَا تُوجَدُ لَهُ أَيُّ أَهْمَّيَةٍ.

Sesungguhnya ia adalah hari yang semua orang hampir melupakanya dan tidak selalu menyebutnya. Tidak ada kepentingan baginya.



مَا بِكَ يَا حَنِيفَةَ؟ فَهَلْ تَظْنُ أَنَّ يَوْمَ الْإِسْتِقْلَالِ لَا قِيمَةُ لَهُ؟

Kenapa dengan awak Hanifah? Adakah awak menyangka bahawa Hari Merdeka tidak ada nilai baginya?



بَلْ هُوَ يَوْمٌ كَأَيِّ يَوْمٍ آخَرٍ.

Bahkan ia adalah seperti hari-hari lain.

إِسْمَعْ يَا صَدِيقِي، إِنَّ الْأَمْنَ وَالرَّخَاءَ الْمَوْجُودِينَ عِنْدَنَا الْيَوْمَ لَهُمَا ثَمَرَةٌ مِّنْ ثَمَراتِ اجْتِهادِ آبَائِنَا وَتَصْحِيَاتِهِمْ. كَافُوا يَبْذُلُونَ الْجَهْدَ الْعَظِيمَ لِيَجْعَلُوا مَالِيْزِيَا كَمَا هِيَ الْآن. فَهَلْ تَحْسَبُ أَنَّهُمْ لَا يَسْتَحْقُونَ الذِّكْرَ وَالْمَدْحُ؟

Dengarlah sahabatku, sesungguhnya keamanan dan kesenangan yang ada pada kita sekarang adalah salah satu hasil daripada hasil-hasil perjuangan nenek moyang kita dan pengorbanan mereka. Mereka telah berusaha sedaya upaya untuk menjadikan Malaysia sebagaimana sekarang. Maka adakah awak menyangka bahawa mereka tidak berhak mendapat ingatan dan sanjungan dari kita?



بَلِّي. عَلَيْنَا أَنْ نَشْكُرُهُمْ وَنَدْعُوْهُمْ. وَلَكِنْ هَلْ يَعُودُ عَلَيْنَا مِنْ ذَلِكَ شَيْءٌ؟
مَاذَا سَلَسْتَفِيدِ نَحْنُ مِنْ هَذَا الْإِحْتِفالِ؟

Sudah tentu, kita perlu berterima kasih kepada mereka dan mendoakan untuk mereka. Tetapi adakah perkara itu akan memberi kepada kita sesuatu? Apakah faedah yang kita dapat daripada sambutan ini?



إِنَّ هَذَا الْعَمَلُ لِيُرْعِي فِي صُدُورِنَا هُوَيَّةَ مَالِيْزِيَا. فَقَدْ ظَهَرْتُ الْآن أَحْوَالَ غَرْبِيَّةَ عِنْدَ شَبَابِنَا، أَنْظُرْ كَيْفَ يَقْلِدُونَ ثَقَافَةَ سَيِّئَةَ غَرْبِيَّةَ عَنْ ثَقَافَتِنَا وَيَتَرَكُونَ ثَقَافَتِنَا الْحَمِيَّةَ. فِيَهَذِهِ الْذِكْرِي يَقُوْيَ تَمَسْكُنًا بِهَا وَيَزْدَادُ حُبُّ الْوَطَنِ فِي قُلُوبِنَا.

Sesungguhnya perbuatan ini akan menanam pada diri kita identiti Malaysia. Sekarang telah terzahir keadaan-keadaan pelik pada remaja-remaja kita, lihatlah bagaimana mereka meniru budaya-budaya buruk dan pelik dan meninggalkan budaya kita yang terpuji. Maka dengan peringatan Hari Merdeka ini, akan bertambah kuat pegangan kita terhadap budaya kita dan bertambah cinta kita kepada negara.



صَدَقْتَ يَا أَلِيفُ، لَا حَظَتِ الْآن هَذِهِ الْحَقِيقَةَ. وَأَعْتَقِدُ أَنَّ لَهُ أَهْمَيَّةَ أُخْرَى، وَهِيَ أَنْ يَوْمَ الْاسْتِقلَالِ يُعِينُ عَلَىِ بِنَاءِ وَحْدَةِ الشَّعْبِ وَوَنَامَهُ.

Benarlah kata-katamu wahai Aliff. Dan saya percaya bahawa ada satu kepentingan lain, iaitu Hari Merdeka akan membantu untuk membina kesatuan rakyat dan keharmoniannya.



مَا شَاءَ اللَّهُ عَلَيْكَ، يَا حَنِيفَةَ. أَحْسَنْتَ. مَا كُنْتُ أَظُنُّ أَنَّ عِنْدَكَ حِكْمَةً خَفِيَّةً كَهَذِهِ! إِذْنَ، أَرَاكَ غَدًا إِنْ شَاءَ اللَّهُ


Masya-Allah Hanifah! Bagus. Saya tidak sangka bahawa awak ada kecerdikan yang tersembunyi seperti ini! Jadi, saya jumpa awak esok insya-Allah.



إِنْ شَاءَ اللَّهُ ، مَعَ السَّلَامَةِ يَا أَخِي
Insya-Allah. Selamat tinggal saudaraku.


'PICTORIAL'

Mari Belajar Membuat Bunga Raya





10




11





12



13




14



15



16



17



18




19



Sila rujuk video sumber : https://www.youtube.com/watch?v=Zh4nYV5_-qs





No. 31, Jalan Bunga Raya 8,
Taman Kebangsaan, 81100
Johor Bahru, Johor Darul Takzim.

2nd SEPTEMBER 2021

To my dearest pen pal, Mary McQueen, who is currently in Australia. How are you doing? I hope you are doing well. For myself, I am well. I received your letter two days ago asking me to tell you a little about the activities we did to celebrate Independence Day in my school. I am very happy and pleased to share with you about it.

Just for you to know, 31st August is an honorific day for Malaysians. My school held a festival to celebrate Independence Day. The celebration was held throughout the month of August to instil and encourage student to love the country. Unfortunately, as you are aware, the world is currently facing the pandemic, COVID-19, we could not attend the celebration physically. The good news however, we are able to celebrate it online through video conferencing! All the planned activities were done and recorded by every student in their own home. That is why the highlight of the event was the showcasing of recorded videos on 31st August.

Lots of activities were held during the month of Independence Day. One of the activities was the performance of traditional dances by my Malay, Chinese and Indian friends. Zapin and Chinese Fan Dance was performed elegantly and gracefully by a group of Malay and Chinese students respectively while the Indian students performed Bharatanatyam, a major form of Indian classical dance beautifully. Prior to that marvellous performance, the students have to bend over backwards, practising and preparing everything precisely. Patriotic Anthem competition was another activity. Students were given the opportunity to display their talents in singing the national anthem. It was very interesting to watch the creativity from each participating group.

After that, a poem declaration competition entitled, 'Merdeka', was held. I was one of the contestants. For me, it was a challenging competition as every student had to create an original poem without referring to any books or materials. Moreover, no assistance from the teachers were allowed!

During the closing ceremony, all of the teachers and students clicked on the link given for the virtual Independence Day event to access it via online video conferencing. All of the students were asked to register their attendance and stay throughout the event. Most of us were waiting for the prize-giving ceremony. My heart beat rapidly when it was time to announce the winners because this is my first time participating in the school competition. Guess what? I won the first prize! I was over the moon when the announcer called up my name as the winner. It was totally unexpected. Before we parted ways or rather log out from the event, all of the students were asked to shout 'Merdeka' with full of spirit. This is to heighten the patriotism among the students. It made me recall how Tunku Abdul Rahman, the first prime minister, shouted 'Merdeka!' seven times and was greeted by thousands of people who flooded the Merdeka Stadium.

All right Mary, it seems that I have come to an end of my letter. When this pandemic is gone (hopefully soon!) and you have the chance to visit me here, you can witness the celebration of Malaysia's Independence Day first hand. With that, you are able to see, feel and know more about the activities, not only the ones that I have mentioned, but also others. I am extremely sure that you will enjoy and love them as much as I do. Finally, do send my regards from me and my family to you and yours, down under.

Yours truly, your pen pal,
Aliff



Resipi Kuih Bulan

Bahan-bahan kulit kuih bulan:

- 150 gram golden syrup
- 60 gram minyak kacang
- 5 gram air alkali
- 250 gram tepung kek

Cara membuat:

- 1 Campurkan air alkali, minyak kacang dan golden syrup. Pukul sehingga sebati.
- 2 Ayakkannya tepung dan kacau sehingga sebati.
- 3 Perap selama 1-2 jam. Kemudian, uli doh sampai lembut.
- 4 Bulat-bulatkan doh menggunakan 60 gram doh setiap satu bola.
- 5 Bulat-bulatkan pes kacang merah menggunakan 50 gram setiap satu bola.
- 6 Untuk menghasilkan kuih bulan, leperkan pes kacang merah dan masukkan kuning telur masin. Balut dengan rapi.
- 7 Kemudian, balutkan inti dengan doh kulit kuih bulan dengan berhati-hati.
- 8 Taburkan acuan kuih bulan dengan sedikit tepung.

Bahan-bahan untuk inti:

- 350 gram pes kacang merah
- 7 biji kuning telur masin

Bahan-bahan untuk sapuan:

- 1 biji kuning telur
- 1 sudu besar susu segar

- 9 Masukkan doh kuih bulan yang telah siap tadi ke dalam acuan dan tekan perlahan-lahan agar terbentuk corak-corak kuih bulan atas doh tadi.
- 10 Tekan ke atas dulang yang disapu dengan sedikit minyak.
- 11 Sembur dengan sedikit air atas permukaan kuih bulan sebelum dimasukkan ke dalam ketuhar (oven) supaya tidak retak semasa dibakar.
- 12 Bakar selama 10 minit.
- 13 Kemudian keluarkan daripada ketuhar. Sejukkan lebih kurang 15 minit.
- 14 Sapukan kuih bulan dengan banchuan kuning telur dan susu segar.
- 15 Bakar selama 15-20 minit sehingga kuih bulan masak perang keemasan.

PATRIOTIKKAH ANDA?

Apakah maksud Patriot, Patriotik dan Patriotisme?



- Patriot merupakan orang yang mencintai dan mempertahankan kedaulatan negaranya atau pembela negara.
- Patriotik pula bermaksud orang yang bersifat patriot.
- Patriotisme pula membawa maksud perasaan cinta yang kuat terhadap tanah air.

LAGU DAN SEMANGAT PATRIOTISME.

“Demi Negara yang tercinta,
Dicurahkan bakti penuh setia,
Demi Raja yang disanjung tinggi,
Kesetiaan tak berbelah bagi.”

“Kepada pemimpin, kepada rakyat,
Khidmat diberi penuh taat,
Sama bekerja, sama berusaha,
Setia berkhidmat untuk semua.”

“Rela berkorban apa saja,
Amanah bangsa tetap dijaga,
Kami berikrar penuh setia,
Untuk agama, bangsa dan negara.”

Sumber: <https://www.youtube.com/watch?v=f4acGcHOu-k>

Apakah perasaan anda setelah mendengar petikan lagu di atas? Tentunya perasaan bersemangat dan berkobar-kobar. Apatah lagi, lagu ini biasanya dimainkan ketika sambutan Hari Kemerdekaan di sekolah. Lagu ‘Setia’ merupakan nyanyian asal Francissa Peter dan telah dicipta oleh Datuk Ahmad Dasilah dan Allahyarham Tan Sri Mohamed Rahmat.

Tahukah anda, lagu-lagu patriotik merupakan salah satu elemen penting dalam menaikkan semangat merdeka. Lagu-lagu ini apabila dimainkan mampu menaikkan lagi jati diri dan rasa bangga menjadi anak Malaysia. Sempena keluaran majalah Edisi Kemerdekaan kali ini, kami senaraikan lagu-lagu patriotik yang diangkat menjadi Tema Lagu Hari Kebangsaan. Jom kita dengar sama-sama.

2014 Di sini Lahirnya Sebuah Cinta -
<https://www.youtube.com/watch?v=R9-JZu28ordc&t=4s>

2015, 2016 & 2017 Sehati Sejiwa -
<https://www.youtube.com/watch?v=AZ-KYZOhO4XI>

2018 Kita Punya Malaysia - <https://www.youtube.com/watch?v=WdzC1rHXn5o>

2019 Malaysia Bersih - <https://www.youtube.com/watch?v=dAEd4N8SspE>



2020 & 2021 Malaysia Prihatin -
<https://www.youtube.com/watch?v=CNLsAluD060>





'FOOD VS FLAG'




Seperti yang kita tahu, Malaysia merupakan negara yang penuh dengan adat dan budaya yang pelbagai. Tak kurang juga kepelbagaian makanan yang terdapat di seluruh Malaysia. Mari kita kenali pelbagai jenis makanan yang terdapat dalam setiap negeri di dalam Malaysia!



'FOOD VS FLAG'





Copyright © 2021